

ქუჩა-დაინარჯის ზაგის პოლიტიკური მნიშვნელობა

XVIII საუკუნის მეორე ნახევარის საერთაშორისო ურთიერთობათა სისტემაში სამი ძირითადი პრობლემა გამოიკვეთა: 1. ინგლის-საფრანგეთის კოლონიური საგაჭრო მეტოქეობის პრობლემა. 2. რუსეთ-ავსტრია-პრუსიის მეტოქეობა პოლონეთის საკითხებში და რაც ჩვენთვის საინტერესოა, აღმოსავლეთის პრობლემა. ამ დროისათვის რუსეთი მსოფლიო მასშტაბის ერთ-ერთი მძლავრი სახელმწიფო იყო. რუსეთისათვის სასიცოცხლო მნიშვნელობა ჰქონდა კასპიისა და შავი ზღვის სანაპიროებზე დამკიდრებას. საამისოდ კი რუსეთს კავკასიაში სტრატეგიული პლაცდარმი და ერთგული მოკავშირე ესაჭიროებოდა. ამასთანავე მას კავკასიაში თავისი პოლიტიკური ინტერესები გააჩნდა (გოგოლაური, 2011: 7).

ჯერ კიდევ 1739 წლის ბელგრადის ზავით, რითაც დასრულდა რუსეთ-ავსტრია-თურქეთის 1735-1739 წლების ომი, რომელიც საერთოდ არ შეესაბამება რუსეთის მიერ ომში იარაღით მოპოვებულ წარმატებას, რუსეთმა ვერ შეძლო გაჭრილიყო შავ ზღვაზე, რაც, თავის მხრივ, ყოველნაირად ეწინააღმდეგობოდა რუსეთის სასიცოცხლო ინტერესებს.

1768 წელს რუსებსა და თურქებს შორის ომი დაიწყო, რომლიც 1774 წლამდე გაგრძელდა. საომარი ოპერაციები მიმდინარეობდა ორ ფრონტზე - ბალკანეთსა და კავკასიაში (საქართველოში). ჩვენ აქ არ შევუდგებით საბრძოლო ოპერაციების განხილვას, მხოლოდ აღვნიშნავთ, რომ ეს ომი რუსეთის ბრწყინვალე გამარჯვებით დასრულდა.

საზავო ხელშეკრულებას ხელი მოეწერა 1774 წლის 10 ივნისს სოფელ ქუჩა-კაინარჯში (დუნაის მარჯვენა ნაპირზე ქ. სილისტრიის ახლოს) თანამედროვე ბულგარეთის ტერიტორიაზე.

ბულგარების კონგრესზე საზავო ხელშეკრულების საკითხები რუსეთის მხრიდან წამოაყენა ობრესკოვმა. (დღუშინინა, 1955:308)

რუსეთის მთავრობა დაინტერესებული იყო, რაც შეიძლება ჩქარა მომხდარიყო ქუჩა-კაინარჯის ზავის ჩქარი რატიფიცირებით, რასაც ქვეყნისათვის დიდი მოგება უნდა მოეგანა. მეორე მხრივ, ამის აუცილებლობას საჭიროებდა რუსეთის

შიდა პოლიტიკური ვითარება: გლეხთა ომი პუგაჩოვის ხელმძღვანელობით ფართოდ გაშლილი იყო; პეტერბურგში ქუჩა-კაინარჯის ზავის დადგებასთან ერთად შეიტყვეს, რომ პუგაჩოვს ყაზანი ალექსანდრე პეტრე მოქცეული.

1774 წლის 11 აგვისტოს საზავო ხელშეკრულება ეკატერინე II-ის მიერ უკვე რატიფიცირებულ იქნა.

ხელშეკრულებაში პირველ ადგილზე დაფიქსირებული იყო, რომ ყირიმი ცხადდებოდა თურქეთისაგან დამოუკიდებელ სახანოდ. სულტანს ჩამოერთვა უფლება ყირიმის ხანის დანიშვნა-გადაყენების შესახებ: ხელშეკრულებაში ხაზგასმული იყო, რომ არც რუსეთის საიმპერატორო კარს და არც ოტომანთა პორტას არ პეტრება უფლება ჩარეცდიყო ყირიმის ხანის პოლიტიკურ თუ სამოქალაქო საშმებში. დამოუკიდებლობა ებლეოდათ აგრეთვე შავიზღვისპირეთისა და კუბანის სტეპებში მცხოვრებ ნოლაელთა მომთაბარე ტომებს (დრუჟინინა, 1955:280).

რაც შეეხება რელიგიურ საკითხს, ყირიმის თათრები რელიგიურად სულტანს ემორჩილებოდნენ. მაგრამ ეს საშიშროება რამდენადმე განეიტრალებული იყო რუსეთის მხრიდან ახალი ტერიტორიული შენაძენის გამო, რომელსაც დიდი პოლიტიკური და სტრატეგიული მნიშვნელობა ჰქონდა. აქ წინა პლანზე იდგა ქერჩის, ენიკალისა და კინბურნის შეერთება, რითაც რუსეთს საშუალება ჰქონდა კონტროლი დაემყარებინა მთლიანად ყირიმის სახანოზე (დრუჟინინა, 1955:281).

ამგვარად, თუ თურქეთი გამოიყენებდა პოლიტიკური თვალსაზრისით რელიგიურ გავლენას ყირიმის თათრებზე, მაშინ რუსეთს საშუალება ექნებოდა დაპირისპირებოდა ამ გავლენას. ამის საშუალება პირველ რიგში იყო ყირიმის ციხე-სიმაგრეები, მეორე მხრივ, ახალი სახელმწიფო საზღვრები. ყირიმი სამი მხრიდან რუსული ტერიტორიებით იყო შემოფარგლული.

ყველა ეს პოლიტიკური, სტრატეგიული და ეკონომიკური მოქმედები ხელს უწყობდა და გზას უხსნიდა რუსეთის საგარეო გაჭრობის პერსპექტივებს.

საზავო ხელშეკრულების მე-11 და მე-12 პარაგრაფი ეხებოდა საზღვაო მიმოსვლასა და ვაჭრობას. ამ საკითხში რუსეთის ხელისუფლებამ შედარებით ნაკლები მიიღო, ვიდრე იგი ითხოვდა თავდაპირველ პროექტში.

მე-11 პარაგრაფის თანახმად, რუსულმა სავაჭრო გემებმა შავი ზღვიდან სრუტების გავლით ხმელთაშუა ზღვაში ვაჭრობის უფლება მოიპოვეს, განსაზღვრული იყო გემების მოცულობა და მასზე რამდენიმე ქვემეხის არსებობა.

რაც შეეხება სამხედრო დანიშნულების გემებს, მათ არ ჰქონდათ სრუტების გავლით მოძრაობის საშუალება (მოგვიანებით ეს შეიცვალა 1783 წლის რუსეთ-თურქეთის სავაჭრო ხელშეკრულების შედეგად). ხმელთაშუა ზღვაში რუსულ ხომალდებს საშუალება ჰქონდათ, თავისუფლად ეცურათ კონსტანტინოპოლიზე და მისდგომოდნენ თურქეთის ნაპირებს (დრუჟინინა, 1955:288).

მე-12 პარაგრაფი წარმოადგენდა ბუქარესტის პროექტის 25-ე პარაგრაფს, რომელიც მიიღეს ობრესკოვის ინიციატივით. ამ პარაგრაფში ლაპარაკი იყო, რომ სავაჭრო ხელშეკრულება დადებულიყო აფრიკის თურქელ კოლონიებთან (ტრიპოლი, ტუნისი, ალჟირი), სადაც, ძირითადად, მოქმედებდნენ ზღვის მეობრები. თურქეთი ვალდებულებას დებულობდა ასეთი ხელშეკრულების დადების შემთხვევაში გარანტის ფუნქცია ეკისრა.

მიუხედავად ზემოაღნიშნული მუხლების შესწორებისა, უნდა ითქვას, რომ იგი ბელგრადის ზავთან მიმართებით რუსეთისათვის საკმაოდ მისაღები და წინ გადადგმული ნაბიჯი იყო (БСЭ, 1950:415).

თურქეთი ვალდებულებას იღებდა გადაეხადა რუსეთისათვის კონტრიბუციის სახით 4 მლნ. რუსული რუბლი.

რუსებმა დიდ წარმატებას მიაღწიეს ჩრდილო კავკასიის ტერიტორიის შემოერთების საქმეში. ხელშეკრულების 21-ე მუხლის თანახმად, რუსეთის ხელში გადაღიოდა დიდი და მცირე ყაბარდო. ამის წყალობით ძნელდებოდა თურქეთის აგენტურის მოქმედება ჩრდილო კავკასიაში, რაც ხელს უწყობდა სამხრეთ ოსეთის საზღვრების უსაფრთხოებას. ყაბარდოს ხელში ჩაგდებით რუსეთმა შეიერთა ოსეთიც, რომელიც ყაბარდოს მფლობლობაში შედიოდა. ამით რუსეთი უშეალოდ გაუმეზობლდა საქართველოს (დრუჟინინა, 1955:286).

ხელშეკრულების 25-ე პარაგრაფის თანახმად, თურქეთი ვალდებულებას იღებდა გაეთავისუფლებინა ყველა სამხედრო თუ სამოქალაქო ტყვე გამოსყიდვის გარეშე (დრუჟინინა, 1955:304)

ხელშეკრულებაში, რაც ჩვენთვის საინტერესოა, საგანგებო ადგილი აქვს დათმობილი თურქეთის უღელქვეშ მყოფი ქრისტიანი ხალხების ურთიერთობას რუსეთთან, რომელსაც ხანგრძლივი ისტორია პქონდა.

მე-16 პარაგრაფი ეხებოდა დუნაის სამთავრობოებს, მოლდავეთსა და გალახეთს. მართალია, ისინი რჩებოდნენ თურქეთის მფლობელობაში, მაგრამ მათ აღუდგათ ავტონომიის სტატუსი და მათი გარანტი გახდა რუსეთი (დრუჟინინა, 1955:3).

ხელშეკრულების 29-ე მუხლი დასავლეთ საქართველოს ეხებოდა. ტრაქტატის პირველი არტიკულის თანახმად, პორტა გალდებულებას იღებდა: სრული ამნისტია გამოეცხადებინა ყველა იმათვის, რომელთაც ის ამ ომის დროს ამ მხარეში შეურაცხყო. ბრწყინვალე პორტა საზეიმოდ და სამუდამოდ ამბობს უარს ხარკად ჭაბუკებისა და ქალიშვილების მოთხოვნაზე. არავითარ შემთხვევაში არ შეავწიროვებს ქართველთა სარწმუნოებას, მონასტრებსა და ეკლესიებს, არ შეუშლის ხელს ძველი ეკლესიებისა და მონასტრების შეკეთებას. რუსეთი თურქეთს, მართალია, უთმობდა იმერეთის ციხეებს, მაგრამ თურქეთის „უფლებები“ დასავლეთ საქართველოს მიწებზე ყოველთვის შეიძლებოდა გადასინჯულიყო (ნარკვევები, 1973:662-663).

ქუჩა-კაინარჯის ზაგმა მნიშვნელოვნად შეამსუბუქა კაგა-სიელი და ბალკანელი ხალხების მდგომარეობა, რომელსაც არ შეიძლებოდა სიმპატიით არ განეწყო ეს ხალხები რუსეთისადმი.

ამრიგად, ქუჩა-კაინარჯის ხელშეკრულებით, რუსეთ-საქართველოს მრავალსაუკუნოვან ისტორიაში რუსეთმა პირველად დააფიქსირა თავისი დამოკიდებულება საქართველოს მიმართ და მოიპოვა მის საქმეებში ჩარევის უფლება. ამასთანავე, რუსეთი უშეალოდ გაუმეზობლდა საქართველოს. ამ ზავით რუსეთმა განიმტკიცა სამხედრო-სტრატეგიული პოზიციები ბალკანეთზე, ყირიმსა და კავკასიაზე. მართალია, რუსეთის ამ წარმატებით ზემოაღნიშნული ხალხები თავისუფლდებოდნენ თურქეთის ბატონობისაგან, მაგრამ ისინი უფრო ძლიერი დამპყრობლის, რუსეთის იმპერიის მარწუხებში ექცეოდნენ.

ლიტერატურა:

გოგოლაური, 2011 - გოგოლაური, რ. სამცხე-ჯავახეთი XVIII ს-ის უკანასკნელ მესამედში, თბ., 2011.

დრუჟინინა, 1955 - Дружинина Е. Кучук-Кайнарджский мир, М., 1955.

ნარგევები, 1973 – საქართველოს ისტორიის ნარგევები, გ IV, თბ., 1973.

მაჭარაძე, 1957 - ვ. მაჭარაძე, ასპინძის ბრძოლა, თბ., 1957.

БСЭ, 1950. БСЭ, Т. 4. М., 1950.

БСЭ, 1953. БСЭ, Т. 24. М., 1953.

Roman Gogolauri

POLITICAL IMPORTANCE OF KUCHUK –KAINARJI TREATY

Summary

Kuchuk –Kainarji Treaty was a new step in the history of Russia and Georgia. With this treaty Russia fixed its relationship towards Georgia and gained the right to interfere in its cases. Besides, Russia became Georgia's neighbour. With this treaty Russia also confirmed its military-strategic positions in Balkan, Crimea and Caucasus. It is the truth that people living in these countries became free from Turkey's domination but at the same time they were trapped in the grip of much stronger conqueror-. Russia.